

Onisiny 11

-Erkoba Adam ubaa Hewan ale gaa ije?

-Eden genet ger gaa ije.

-Adam ubaa Hewan Eden gaa ijeka hate onoye?

-Adam ubaa Hewan tag ger hi gaa me.

-Adam ubaa Hewan tag ger gaa meka `daa mere?

-Adam ubaa Hewan `daa giri Waa`g wol af ijeka.

-Adam ubaa Hewan hele fe`doka lulle `daa giri `guoka.

-Af naala Waa`g kidhichle Satan ale gaa ije?

-Satan Waa`g, Adam ubaa Hewan tagnaniyeka dhagasane.

-Satan Waa`g, Adam ubaa Hewan hat Waa`g ki eg mi tagnaniyeka sum idhane.

-Satan Waa`g Adam lesala maale gudoka woyicheka sum idhane.

-Satan he Waa`g neb.

-Satan hate Waa`g hi ki adatka hi og.

-`Daa giri heela Satan Adam ubaa Hewan kai adatka mure.

-`Daa giri heela Satan Adam ubaa Hewan badisyoka mure.

-Satan Adam ubaa Hewan hat badisioka egemeyoka ba ki toya.

Erkob 3:1 ki toyo

1-Aale bine Waa`g hi tagniyeka lulle charra hi `du didasich. Char maa`diet yieta, kieye, he `duwa? Waa`g kieye, `guor les gaa `giella lulle hai konyo, chie? char hi yie.

-Hewan wol gediaka he char tuudle?

-He muniny.

-Ta maa Hewan wol gediaka maya?

-Satan.

-Hewan Satan wol gediaka he onoye?

-He monoye.

-Satan char ger ka yile.

-Satan char gere ka yileka `daa mare?

-Iin tuudle wol sholsiche.

-Satan char ger ki sholela `daa mare?

-`Daa giri Hewan ka raratika fe`deka.

-`Daa giri Hewan nyimisasi .

-`Daa giri Hewan badisio fe`deka.

-`Dee tigide yu ka geye.

-Maa hateka binech yeges fe`doka binech hai `du sholomo?

-Ii.

-Ta maa sholinya hate deeme?

-He binech ma yesiny.

-Hate ma hateka binech `du shosholonka Satan ubaa Hewan `du shole.

-Kulichela ubaa Satan gaalat hai nyimite?

-Ii.

-Satan hate gaalat nyimita?

-Satan gerich erkob wodhinkuna gaal ki gedicha.

-Satan gerich ki naamaka gaalat eiy taaka ka koto gaal ki gedicha.

-Satan gerich ki sedeka arjan ka koto gaal ki gedicha.

-Satan gerich erkob wodhinkuna gaal ki gedicha.

-Afat Satan `deenyle wodhinkuna gaa idimicha.

-Muuni he hat kinaalola `deenykuna ki yedhe `dee in keyieka `deeny Satan.

-Satan `deeny Waa`giet hai ii chien yedhe gaal gediya.

-Tawiny ataalola he tawiny Waa`giet muniny.

-Tawiny ataalola wodhinkuna gere ma gaa idiyeka he Satan.

-Satan gerich ki naamaka gaalat eiy taaka ka koto gaal ki gedicha.

-Gaal eiy taaka `deeny Waa`giet hai maaliny yedhe.

-Tawiny heela tawiny Waa`giet muniny.

-Tawiny heela Satan gaal eiy taaka hi wodhin gaa idiche.

-Gaal eiy taaka ataala hai yedhe, “Nyini, nyanyi Waa`g kinyo `geya, nyanyi Waa`g eiy taaka kaanaka ma fe`diny,” yedhe.

-Tawiny heela tawiny Waa`giet muniny.

-Tawiny heela Satan gaal eiy taaka hi wodhin gaa idiche.

- Satan gerich ki sedeka arjan ka koto gaal ki gedicha.
- Arjan kisotia eshim kicho gediche.
- Arjan kisotia eshim kicho umle `jietel hi kokonyoka gediche.
- Tawiny heela tawiny Waa`giet muniny.
- Tawiny heela eshim kicho kisuwa wodhinle gere Satan ubaa Arjan hi gaa idiche.
- Hewan mai gedia hate Satan ka hi og?
- He monoye.
- Hewan mai gedia hate Satan ka he monoye.
- Keyieka Satan in hai shole.
- Eshim kicho kisuwa mai gedia hate Satan ka he mog.
- Keyieka Satan in hai shole.
- Satan Hewan `du shole mu nyimita.
- Satan eshim kicho kisotika `du shole gaal nyimita.
- Satan Hewan nyimitaka fe`dola `daa mare?
- Satan `daa giri Hewan nebka.
- Satan `daa giri Hewan badisiowa fe`deka.
- Satan eshim kicho kisotika nyimisetika `daa mare?
- Satan gaalat lulle `daa giri nebka.
- Satan gaalat lulle `daa giri badisioka fe`doka.

-Ebaa Satan hat Hewan yieteka `deenyle ba ki toyo.

Erkob 3:1 ki toyo

1-Aale bine Waa`g hi tagniyeka lulle charra hi `du didasich. Char maa`diet yieta, kieye, he `duwa? Waa`g kieye, `guor les gaa `giella lulle hai konyo chie? char hi yie.

-Satan Hewan `deenyle `daa mare heete?

-Satan he Waa`g hi wogotia he og.

-Satan Waa`g `guor `daalim midhabka ubaa `daalim `deewka hai kony chieka he og.

-Satan Hewan heesenela `daa mare heete?

-Satan Hewan heesenela heeteka `daa giri mu ka raratika.

-Satan Hewan heesenela heeteka `daa giri mu nyimisetika.

-Satan Hewan heesenela heeteka `daa giri mu badisioka.

-Hewan `deenyle wol niiye ba ki toyo.

Erkob 3:2-3 ki toyo

2-Aale min char geche, kieye, `guor les gaa `giella umle ha nyi konyo.

3-`Guor les hurt gaa yaalalla takama umle hai kony, hai dig chien, hi dig chieka hai kufunana, Waa`g hi chie.

-Waa`g Adam ubaa Hewan `guor heela umle hai dig chien he ma yien.

-Waa`g `deenyle wogoteka Adam ubaa Hewan `guor umle hai kony chie.

-War`gat Waa`giet gerle ki totoyoka Waa`g `guor umle hai kony chieka `daa Adam takama.

-Kiyet keyieka Waa`g himurit Adam shicheka `daa Hewan ubaa himurit Waa`giet.

-Waa`g `deenyle gaali vereka gaal kisoka kulichala ubaa `daa giri muuni gaali vere.

-Waa`g gaal ongorka ubaa gaal edhka `deenyle lulle tigide.

-Waa`g gaal Daasanech ubaa gaal Turkana `deenyle lulle tigide.

-Waa`g `deenyle `daa giri gaalat lulle tigide.

-Waa`g `deenyle gefere , kulichala ubaa `jig biyo tigide.

-Satan `daa Hewan `deeny mare mu wol `du niiye?

Erkob 3:4-5 ki toyo

4-Aale char min gey, kieye, Iti ma kufuminy.

5-Waa`g kulich hi `guor konyoka, hat met he eiy `dien, hi hat Waa`g chedheka he oita, hat Waa`g he lulle ogalla, he midhabka ubaa he `de`deewka hai onoto, char hi yie.

-Adam `guor `daalim midhabka ubaa `daalim `deewka koyoka Adam hate deeme, Waa`g chie?

-Hai kufinana Waa`g geche.

-Hewan `guor `daalim midhabka ubaa `daalim `deewka koyoka Hewan hate deeme, Satan chie?

-Hai kufuminya Satan geche.

-Adam ubaa Hewan `guor umle koyoka hate kufunana Waa`g he geche.

-Adam ubaa Hewan `guor umle koyeka hate maa kufuinya Satan he geche.

-Maa he `duwa wogodhia maya, Waa`g ta he Satan?

-Waa`g.

-Waa`g hele wagothia Satan kieye he `duwa muniny.

-Satan kieye Waa`g ba wodhole chie.

-Satan `guor `daalim midhabka ubaa `daalim `deewka hi konyika he eiy taaka hate deeme yie?

-Itin hate Waa`g hai chedhe, Satan chie.

-Gaalat hat Waa`g yegetka he uro?

-He ma uriny.

-Waa`g iin takama Waa`g.

-Hewan hate Waa`g deene, Satan chieka wodho wote.

-Erkoba Satan he Waa`g met ma kekeminy.

-Kinaala Satan Hewan Waa`g met ma kekeminyka he fe`de.

-Waa`g gaalat tagniyeka gaalat hat fe`ditle ki ijoka muniny.

-Waa`g gaalat tagniyeka gaalat hat Waa`g fe`doka ki ija.

-Waa`g gaalat tagniyeka gaalat hi muritle ma ki idiny.

-Waa`g gaalat tagniyeka gaalat Waa`g hi muritle ki ija.

-Hewan hate deene hi chedhe?

-Hewan Waa`g ta Satan meta keeye?

Erkob 3:6 ki toyo

6-Aale min `guor hat `guomka midhab, `guor hi il hergite, argiye, guor ubaa gaal `daalim shigia maalleka, `guor umle baate, konye, daa tigid, belle `du site. Maa kinaal ubaa hi koy.

-Satan Hewan nyimisate ubaa Hewan ii chie.

-Hewan hi murit Waa`giet dite `guor umle konye.

-Adam ubaa hi murit Waa`giet didhe `guor umle koye.

-Adam ubaa Hewan `deeny Satan hi geyaka ii yie.

-Adam ubaa Hewan `deeny Waa`g geychika ii ma yien.

-Adam ubaa Hewan hi murit Waa`giet didhe.

-Adam ubaa Hewan Waa`g adab taganiye.

-Adam ubaa Hewan `daa giri hi murit Waa`giet didheka Waa`g kidhle yie.

-Adam ubaa Hewan `daa giri Satan meta kiya Waa`g kidhle yie.

-`Dee tigide yu ka geye.

-Shelkicho tigide itin hi didheka maa hi yegesika hol shelech gaa mureka shelkicha kinaala he kidhich kicho ma yegen?

-Ii.

-Adam ubaa Hewan Waa`g wol eiy gaa giteka Waa`g kidhichle yie.

-Adam ubaa Hewan `daa giri Satan elgavereka Waa`g kidhichle yie.

-Adam ubaa Hewan adab tagniyeka waasel hate die?

Erkob 3:7-8 ki toyo

7-Gaal hulaalle met hi eiy `die, gaal hat gelem manka kimate. Gaal kinach nee yu`gute, gelem taganate.

8-Gelga biiy ka abunayeka, Yoowa les hurt gaa seseme, gaal hi yukur maale. Adam ubaa minle Yoowa met gaa shole, les hurt `guor leka ki erey.

-Adam ubaa Hewan adab tagniyeka waasel meete kimate?

-Hate gelem manika, kimate.

-Adam ubaa Hewan adab tagniyeka waasel hate gelem manka wol kimateka tagniye?

-`Guor neele gelem taganiye.

-Adam ubaa Hewan adab tagniyeka waasel Waa`g he `du kachimia gaal iin meete tagniye?

-Waa`g inka shole.

-Waa`g he ki inka sholon?

-He man.

-Waa`g ka iin maka sholminyala `daa mare?

-Waa`g `daa giri bi lulle gaa idoka.

-Erkoba Adam ubaa Hewan Waa`g shele.

-Kanala Adam ubaa Hewan Waa`g wol ka kidh.

-Erkoba Adam ubaa Hewan Waa`g umle onoye.

-Kanala Adam ubaa Hewan Satan umle yie.

-Erkoba Adam ubaa Hewan Waa`g wol gar seseme.

-Kanala Adam ubaa Hewan Waa`g inka shole.

-Erkoba Adam ubaa Hewan Waa`g elgavere.

-Kanala Adam ubaa Hewan Satan elgavere.

-Erkoba Adam ubaa Hewan he `deewka ma kimisen.

-Kanala Adam ubaa Hewan he `deewka kimite.

-Erkoba Adam ubaa Hewan he ma birgiminy.

-Kanala Adam ubaa Hewan he birge .

-Satan gaal yia neb?

-Satan Waa`g ubaa gaalat lulle neb.

-Satan Waa`g neb ubaa Waa`g hujichle badisioka egemeye.

-Satan gaalat lulle neb ubaa gaalat lulle badisioka egemeye.

-Satan gaalat `deeny Waa`giet nee kokoka he fe`do?

-He ma fe`diny.

-Satan `deeny Waa`giet hi nee kokoyuka ma fe`dinyala `daa mare?

-Satan gaalat lulle `daa giri nebka ubaa `jiyet basiet biyoka gaalat ki lalanka `daa giri fe`doka.

-`Deeny Waa`giet hi nee koyoka jiyet basiet biyoka ki in kar ka `daranka hai kimeseta.

-`Deeny Waa`giet hi nee ma konya `jiyet basiet biyoka hi in kar ka `daranka ma kimisen.

-Daa kinaala `duga `deeny Waa`giet ha`dabana nee ko.